

صوم الرسل

أسومين تو كيريو

🎵 تقدر تسمع اللحن من [مكتبة الألحان](#)

لحن مثالي لصوم الرسل ... يربط فرحة الخماسين و حلول الروح القدس بخدمة و كرازة آبائنا الرسل



👥 بكل اللغات (قبطي و يوناني و عربي)، بنصلي لحن رائع في توزيع صوم الرسل
هو لسان حال آبائنا الرسل في خدمتهم و كرازتهم

القرار

صعد إلى أعلى السموات وأرسل لنا الباراقليط: روح الحق المعزي. آمين الليلويا

🐦 قيادة الروح القدس

- معنى جميل جداً بنكرّره في كل رُبع ... فهمه التلاميذ أخيراً بعد القيامة اللي بيها تمجّد ربنا يسوع و انتصر على الموت
- تبدّل الحزن و الخوف و الشك و الألم اللي حصل يوم الجمعة العظيمة إلى إيمان و قوة و فرح و تسبيح دائم
- و بعد 40 يوم من القيامة، صعد ربنا يسوع للسماء و مش هایشوفوه ثاني جسدياً
- لكن زي ما وعدهم يوم خميس العهد، أرسل لهم يوم ال50 روح الحق المعزّي ... يحلّ فيهم و يعزّيهم و يعلمهم و يرشدهم و يقود الكنيسة
- نقدر نفهم أكثر دور الروح القدس في حياتنا من [الملخص ده](#)

و أما المعزي، الروح القدس، الذي سيرسله الآب باسمي، فهو يعلمكم كل شيء، و يذكركم بكل ما قلته لكم.

— يوحنا 14 : 26

الربع الأول

فلنسبح الرب لأنه بالمجد تمجد

تسبيح دائم

- الكنيسة من بعد القيامة في حالة فرح و شكر دائم ... و أهم عمل ليها هو التسبيح
- طبعاً ده مش بس لَمَّا الدنيا تكون مرتاحة و سهلة بل بالعكس: نسبح بالأكثر في الضيقات ... زي بولس و سيلا في سجن فيلبي

مكلمين بعضكم بعضاً بمزامير و تسابيح و أغاني روحية، مترنمين و مرتلين في قلوبكم للرب

— أفسس 5 : 19

الربع الثاني

جعل الإثنين واحداً . أى السماء والأرض

✚ الصليب أزال كل الحواجز

- طيب كرازة الرسل بإرشاد الروح القدس هاتكون إيه؟ إن الكل بقى واحد بالصليب
- السماء بقت زي الأرض ... زي ما مجد الله مالي السماء، كمان ربنا بمجيئه و فدائه (أصلح الأرضيين مع السمايين و جعل الاثنين واحداً) زي ما بنقول في القداس الغريغوري
- كمان معنى ثاني إنه ودد اليهود و الأمم في كنيسة العهد الجديد ... المعنى ده ركز عليه جداً القديس بولس الرسول إن اليهود مابقوش شعب مميز أو مختار و إنه ربنا يسوع هو لكل الشعوب حتى الأمم (بيتي بيت صلاة يُدعى لجميع الأمم) ... مابقاش الأمم يقفوا في الدار الخارجية بل بقينا نقدر ندخل قداس الأقداس و نتناول جسد و دم ربنا

لأنه هو سلامنا، الذي جعل الاثنين واحداً، و نَقَضَ حائط السياج المتوسط

— أفسس 2 : 14

- كمان معنى ثاني إنه الكل واحد قدام ربنا يسوع مافيش حد أحسن من حد بمقاييس الدنيا (الغنى أو النَّسَب أو الجمال أو الذكاء) ... بل المقياس هو الإيمان بربنا يسوع

ليس يهودي و لا يوناني. ليس عبد و لا ثر. ليس ذَكَر و أنثى، لأنكم جميعاً واحد في المسيح يسوع

— غلاطية 3 : 28

الرُّبْع الثالث

تعالوا يا جميع الشعوب لنسجّد ليسوع المسيح

كنيسة واحدة جامعة رسولية

- دي ببساطة كرازة الرسل: يروحوا يفرّحوا كل الشعوب ببشارة الإنجيل (البشارة المفرحة)
- و يقولوا لكل بلا استثناء: ربنا جه و فداك ... لو قبلت هذا الفداء, لك الحياة الأبدية
- نفس دعوة آباءنا الرسل دي لازم تكون دعوتنا لكل ... إحنا لقينا ينبوع الحياة و الماء العذب ... تعالوا ذوقوا معانا
- طبعاً كتير قلبهم قاسي و مش هايقبل (زي ما شفنا الاضطهاد على مدار الأجيال) ... لكن الكنيسة مالهاش رسالة ثانية و ماحدّش يقدر يوقّفها

ففتح بطرس فاه و قال: بالحق أنا أجد أن الله لا يقبل الوجوه. بل في كل أمة, الذي يتّقيه و يصنع البرّ مقبول عنده. الكلمة التي أرسلها إلى بني إسرائيل يبشّر بالسلام بيسوع المسيح. هذا هو رب الكل.

— أعمال الرسل 10 : 34 ل 36

الرُّبْع الرابع

هذا هو الله مخلصنا. و رب كل جسد

ليس بأحد غيره الخلاص

- الكنيسة دائماً بتشاور على ربنا يسوع في كرازتها ... هذا (اللي احنا شفناه و عرفناه) هو الله مخلصنا
- طبعاً الناس بتدوّر على الخلاص بطرق مختلفة ... اللي بيدوّر على المال و اللي بالنسبة له الخلاص هو الصحة و اللي في مشكلة بالنسبة له الخلاص هو نهايتها
- لكن الحقيقة كل دي حلول مؤقتة بتنتهي ... الخلاص هو فداء ربنا يسوع على الصليب ... ده اللي يخلّينا أحرار من عبودية الشيطان و يفتح لنا أبواب الملكوت

و ليس بأحد غيره الخلاص. لأن ليس اسم آخر تحت السماء, قد أُعطي بين الناس, به ينبغي أن نخلص

— أعمال الرسل 4 : 12

ثالوث فى واحد و واحد فى ثالوث. الآب و الابن والروح القدس

عقيدة سليمة

- طبعاً الشيطان مش هايقف ساكت, بل هايحاول بمكر أحياناً و بغُنف أحياناً يهزّ إيمان الكنيسة و عقيدتها
- طبعاً كنيسة بدون عقيدة سليمة و إيمان صحيح مافيهاش أي خلاص حتى لو جمعت كل الدنيا
- عشان كده أهم حاجة فيها تسليم بمنتهى الحرص و دون المساس أو التعديل إطلاقاً هي الإيمان و العقيدة ... طبيعة الله الواحد المثلث الأقانيم اللي استلمها آباءنا الرسل من ربنا يسوع و سلّموها لينا على مدار الأجيال
- آباءنا الرسل دفعوا حياتهم للحفاظ على هذا الإيمان و بعدهم كثير من الشهداء و أبطال الإيمان على مدار تاريخ الكنيسة

فاذهبوا و تلمذوا جميع الأمم و عقّدوهم باسم الآب و الابن و الروح القدس

— متى 28 : 19

ربنا يدّينا نسبّح بالروح و الذهن و القلب ... نفهم عظمة ألحان كنيستنا اللي بتفرّحنا و تدّينا بهجة و وجبة مشبعة